

A painting of a young shepherd with dark curly hair and a beard, wearing a yellow tunic and brown trousers. He holds a wooden staff in his right hand and reaches out with his left hand towards a white lamb. They are on a rocky, grassy hillside under a blue sky with clouds.

KONY AYAA IMALO

Dano Ocoo Obedo
Watson Goodman

Me nono —
pe me acata

KONY AYAA IMALO

“KONY AYAA IMALO” abedo tyeng jiri okwanyo idul pwony apapat ame tye i Baibuli. An ayee ni kop abeco lung ocoo ijiri obedo kom Baibuli ikokome.

Kop obanga yaa “kom imalo” kede tye me kony twatwal bot cuny ame kec kede aryoo me kite atira ocito. Dano ame ngut, aweko ballere kun dang yee icunye ducu ni Rwot Yecu Kricito obedo Alar, nwango ojolo Rwot Yecu Kricito me bedo i kwo mere, Rwot bino nyute kene bote kun kele yomcuny kede kuc ame ya i bot Rwot i Kome icuny dano oyee ni. Man otim mere ikoma i mwaka 1937 te miya yomcuny amwonya. Meicel me note kede Rwot cakere ikare naca naka atot onyonii ka pwod Peru ijalo kwo ni bot Rwot akwai me ru timo oko amani me Rwot bed Alari.

An Watson Goodman (1920-2002)

Text reprinted from the Bible in Lango, 1978 Edition, by permission of the United Bible Societies Regional Centre, Nairobi, Kenya.

Ento Kricito oto pirwa a nwaŋ wan obalo; mannono nyuto kite mar ame Obaja tye kede baŋwa.

— Jo Roma 5.8

Ame pe ru ecuban me Kato otuno, Yecu onwoŋo ŋeo ni caa mere doŋ oromo me weko lobo man pi dok baŋ Papo. En rik omaro jo mere ame tye i lobo man, omarogi tuno i agikki.

—Lakana 13.1

"Mom tye ŋattoro ame tye kede mar adwoŋ ame kato man, dano ijalo kwo mere pi awottere."

—Lakana 15.13

Kede a ya daŋ i baŋ Yecu Kricito, acaden a genne, atin kao i akina jo oto, kede aloc obakki me

wi lobo luŋ. Kwogo bed baŋ ŋat a marowa, dok daŋ ogonyowa i twec me balwa kede remo mere.

—Nyut a Lakana 1.5

Pien Obaja rik omaro lobo amannono, omio Wode acel keken, me dano acel acel ame ye en kur rweny odoco, ento bed kede kwo a perakino nakanaka.

—Lakana 3.16

Rwot rik con onyute baŋa kun kobo ni: "Eyo, an rik amro-wu ki mar me aperakino nakanaka; pi manono omiyo rik aywao-wu kede mar opoŋ kede kica." — Jeremia 31.3



YECU KRISITO EN OBANGA

Muj me ideo obaja aboje anyobanyoba moro, pire dit meicel; Rik en onyutte i kom, okwane ni kite atir pi Cuny Acil, omalaika te nene, orabo pire bañ Orok, oye en i wi podo luñ; ote tere malo i kwogo. –1 Temoteo 3.16

I agege onwoño tye Kop. Kop onwoño tye bañ Obaja, Kop rik en Obaja. Kop rik ollokere odo-koko dano, obedo i akinawa.... kica kede ateni ceñ opoñ bañe.

–Lakana 1.1 kede 14

Mano ducu otimere me wek kop a Rwot cobere kakare a yam kobo i dog odwarpiny ni, “Nen, nyako a mom ru tye kede apayi

mere, bino yac, bino nywalo atin awobi; obino cako nyiñe Emmanuel,” te koppere ni, Obaja tye kedwa. –Matayo 1.22, 23

“An kede Pappa wan acel.”

–Lakana 10.30

Yecu te dokke iye ni, “Doñ ari kedwu kare alac rom man, mom ru injea, Pilipo? Dat ame onena doñ oneno Obaja Papo; kara ideo omio yin dok ikobo ni, ‘Nyuttawa Papo’? Yin mom iye ni, an atye i Papo, kede Papo i an? Kop ame akobo bañwu, mom akobo pira kena; ento Papo ame bedo i yia tio ticcere.” –Lakana 14.9, 10

“Wun ikobo wunu ban ijat ame Papo olonyo, oore i lobo ni, ‘ye-to Obaja’, pien akobo ni, ‘An a Wot Obaja?’” –Lakana 10.36

Amalaika te dokke iye ni, “Cuny Acil bino poto i komi, teko a En Amalo Meicel bino wumi bala tipo; pi manno, atin ame ibino nywalo obino lwoje ni, Acil, Wot Obaja.” –Luka 1.35

Pien doj onywalliwa atin, om-iowa atin awobi; obino keto twer me loc i ciŋe, aco nyiŋe obino cako kit man ni, “Me-awura, Ami-tam, Obaja won Twer, Papo ame aperakino nakanaka, Aloc ame kelo kuc.” –Icaya 9.6

A kun pwod etye ekop, aco ba, tipo pol aryeny te wumogi ipuk, dwon te ya i pol, ni, “Man en Woda ame amaro; a yia yom i kome, winye wunu.” –Matayo 17.5

En odok iye ni, “En ŋa, adwoŋ, me aye en?” Yecu okobbe ni, “Doŋ inene; (Wot Obaja) en en ame tye ka kop kedi-ni.”

–Lakana 9.36, 37

Pien i kome en Kricito Yecu, Obaja doj opoŋo iye kite a en tye kede i yore luŋ.

–Jo Kolocai 2.9

Ijat a tuco ni Yecu en Wot Obaja, Obaja bedo i yie, en dan bedo iyi Obaja. –1 Lakana 4.15

YECU TITTI – WA NGA OBEDO EN

En okobbigi ni, “Wun iya wunu i piny; an aya i malo. Wun ibedo wunu jo me lobo man, an mom me lobo man.” Yecu ogamo doggi ni, “Ateteni akobbiwu ni, ame Iburaim pwod mom, onwoño an doj atye.” –Lakana 8.23 kede 58

Dako okobbe ni, “An ajeo ni Maciya ceñjoro bino (ame olwoño ni, Kricito); ka ceñjoro en otuno, bino nyuttiwa kop luñ.” Yecu odokke iye ni, “An en a kop kedinono.” –Lakana 4.25, 26

Yecu te gamo ni, “An a yo, kede ateni kede kwo; mom tye ñattoro ame bino baj Papo, kono ka i koma keken.” –Lakana 14.6

“Ka pwod atye i lobo, an a ceñ me lobo.” –Lakana 9.5

Yecu dok okobbigi ni, “Ateteni akobbiwu ni, an a doggola me rommi.” –Lakana 10.7

Yecu okobbe ni, “An cer kede kwo; dano ame ye an kadi oto, bino kwo.” –Lakana 11.25

“Wun ilwoña wunu ni apwony, dok ni Rwot; mannono ber kono, pien atye amannono.”

–Lakana 13.13

Yecu te kobbigi ni, “An a kwon me kwo; dano ame bino baja, kec mom bino neke, dano ame ye an, oryo mom bino cire.”

–Lakana 6.35

Dok en te ciko lwak ni bed piny i modo; omako ogati abic kede rec aryo-nu, oneno malo i polo, okwao iye winyo, onyinyilo, omio ogati baŋ jo a lube; eka jo a lube te miyo baŋ lwak. Gin ducu ocamo, oyeŋ. Ocoko ŋide cem ame oloogi, oromo aditti apar wie aryo ame opoŋ. Jo ame ocamo onwoŋo welgi mito romo co tutumia abic, a kun mom okwano iye mon kede itino.

—Matayo 14.19-21

Cimon ogamo ni, “Adwoŋ, doŋ ocanne kwe dyewor benebene, mom omako ginnoro. Doŋ pi kop ikobonono, koŋ abino ryeyo bwo.” Ka gin otimo kite-nono, omako

lwak rec apol ata, bwoyigi te ero cocota oko.

—Luka 5.5, 6

Nen, otowanj aryo ame obedo piny i ŋet yo, ka owinyo ni Yecu en akato-nono, gin oredo ni, “Akwar Daudi, timwa kica.” Yecu..., te penyogi ni, “Kara wun imito wunu ni atimmiwu ŋo?” Gin odok iye ni, “Rwot, omito waŋwa yabere.” Gin ocono Yecu, eka te mulo waŋgi. Oyotoyot ote cako neno piny, ote lube.

—Matayo 20.30 kede 32b-34

Eka ote kelo atowanŋoro a tye kede cen arac, ame lebe oto baŋ Yecu. Ocaŋe, omio alebeoto oloko, daŋ te neno piny.

—Matayo 12.22

6 YECU KRISITO OBEDO ACWEC KEDE RWOT

Obaŋa ame ocweo jami luŋ i Yecu Kricito. –Jo Epeco 3.9b

Pien jami luŋ aluja rik oketo pi twerrere, gin a tye i polo kede gin a tye i wi lobo, gin a nen kede gin a mom nen, naka wegi kome me loc kede wegi dito, kede oloc, kede wegi twer. Jami ducu rik oketo pi twerrere dok daŋ pire.

–Jo Kolocai 1.16

Jami ducu rik ocako bedo tye pire; mom tye ginnoro ame ocako bedo tye aboŋo en. –Lakana 1.3

Obaŋa...ento i kare icen-ni en doŋ okobo kedwa i Wode. Jami luŋ ame tye Obaŋa rik otio pi twer a Wode, ame en oyiko ni myero

bed won jami luŋ.

–Jo Eburania 1.1a, 2

Leb luŋ otuc daŋ ni, Yecu Kricito en Rwot, kun kelli Obaŋa Papo kwogo. –Jo Pilipi 2.11

“Doŋ ba, doggola me Israel myero ḥe ni, Yecu-nono ame iguro wunu i kom yataria, Obaŋa doŋ oloke odoko Rwot kede Kricito.” –Tic Okwena 2.36

Pien Kricito rik oto te cer oko te dok kwo, me wek ebed Rwot a jo oto kede jo akwo. –Jo Roma 14.9

Obaŋa ame olwoŋowu me notte karacel i Wode Yecu Kricito Rwotwa, en genne.

–1 Jo Korinti 1.9

Pijo yin ijolo ominni kop? Onyo yin, piyo icao ominni? Wan luŋ obino cuŋ i nyim kom me ŋolo kop Obajə. – Jo Roma 14.10

Aciki i nyim Obajə kede i nyim Kricito Yecu ame bino ŋolo kop a jo akwo kede jo oto, dok pi dwogo mere kede pi loccere ni mano. –2 Temoteo 4.1

“I kare ame Wot a dano bino dwogo kede kwogo mere karacel kede omalaika mere ducu, en bino bedo i wi kom loccere me kwogo. Rok luŋ bino cokere karacel i nyime, en bino pokō akinagi papat, bala akwat ame pokō romi i akina dyegi.” –Matayo 25.31, 32

“Papo mom ŋolo kop i kom dano moro, ento otyeko miyo ŋolo kop luŋ baŋ Wod.” –Lakana 5.22

Bino bedo amannono i nino-na-ca ame Obajə bino ŋolo iye kop i kom gin a jo tio i muŋ, pi Yecu Kricito, kun lubo amut aber ame atye arabo. – Jo Roma 2.16

“Rik en te cikowa ni orab baŋ lwak dok obed cadennere me nyutti jo ni en ebedo ŋat ame Obajə oyero me ŋolo kop a jo akwo kede jo oto.”

–Tic Okwena 10.42

Pien wan ojeo ŋat ame okobo ni, “An ame abino culo kwor, an abino lunyo icen,” dok ni, “Rwot bino ŋollı jo mere kop.”

–Eburania 10.30

Yecu te gamo ni, “An a yo, kede ateni kede kwo; mom tye ɻattoro ame bino baŋ Papo, kono ka i koma keken.” –Lakana 14.6

“Man en gin omio akobbiwu ni, wun ibino to wunu i balwu, pien ka mom iye wunu ni an atye, ibino to wunu i balwu.” –Lakana 8.24

“An a doggola; ka ɻattoro odonyo i baŋa en bino bwot; bino donyo, kato oko, te nwoŋo cam.”
 –Lakana 10.9

Pien jo luŋ obalo, mom otuno i kwogo Obaŋa. En kwanogi ni kitegi atir nono, kun miogi acalo mot pi kica mere, pi kite ame Yecu olakorogi kede. –Jo Roma 3.23, 24

Ka doŋ ocwiny, odoko ɻat a kelo larre a mom gik baŋ jo luŋ a winyo doge. –Jo Eburania 5.9

Man omio kare luŋ en tye kede twer me laro jo ame bino baŋ Obaŋa kun obeo baŋe, pien en bedo kwo waŋ i waŋ me bako doge pirgi. –Jo Eburania 7.25

“Larre mom doŋ tye baŋ dano moro ocele; pien mom dok tye nyinjoro ocele i te polo ame Obaŋa omio jo, a myero wan olarre pire.” –Tic Okwena 4.12

Pien Obaŋa mom oyerowa me akemo mere pot i komwa, ento me olarre pi Rwotwa Yecu Kricito.
 –1 Jo Tecalonika 5.9

Obaŋa en omio ikwo wunu i Kricito Yecu, ame Obaŋa omio odoko ryekowa. Pi Kricito omio Obaŋa okwanowa ni kitewa atira, olonyowa obedo jo acil, olakorowa.

—1 Jo Korinti 1.30

En rik omiye kene pirwa me lakorowa oko i bal luŋ, kede me lonyowa obed jo mere ikome, ame tye kede mit me tiyo tic abeco.

—Tito 2.14

“Pien Wot a dano obino me yeyno kede me laro gin orwenyo.”

—Luka 19.10

Mi wunu pwoc baŋ Obaŋa Papo ame omiowa twer me nywako jami ame bedo i lero, ame en bino miyo jo mere acil. En olako-

rowa oko iya i te bwoc a piny accol, eka te kobowa i te loc a Wode ame emaro. Lakorowa i bal kede weko balwa ya i banje ii remone. —Jo Kolocai 1.12-14

Gin owero wer anyen ame kobo ni, “Yin i myero me kwanyo buk, kede me yabo gin ame omwono kede, pien rik oneki, dok pi remoni ilakoro jo pi Obaŋa, ame oya i atekere apol apapat, kede i leb, kede jo, kede rok apapat luŋ.” —Nyut a Lakana 5.9

Wap wunu yo me mar, acalo Kricito rik omarowa, te miye kene pirwa, me ebed mot me aŋola me yalo Obaŋa, a ŋwece kur.

—Jo Epeco 5.2

Acalo bala wan onyoni doj okwanowa ni kitewa atir pi remo mere, akato wok wan obino larre pire i kom akemo Obaja.

—Jo Roma 5.9

Pi remo me to a Wode, wan doj olakorowa oko i balwa, kite ame kica mere dwoj kede.

—Jo Epeco 1.7

“Pien man en remona me cikere anyen, ame oony pi jo apol me gonyo bal.” —Matayo 26.28

Wun injeo wunu ni, otyeko lakerowu oko i kite a kwarowu a tere mom, kun mom olakorowu i gin a balle oko, acalo bala ryal onyo jabu, cite olakorowu kede remo a Kricito me wel adwoj

ame rorom kede atin romo ame balloro onyo roccoro mom i kome. —1 Petero 1.18, 19

Ento ka wan owoto kannaler, acalo en dañ tye kannaler, nwojo wan onotte oko ŋat man kede awottere, dok remo a wode Yecu Kricito lwoko bal ducu oko i komwa. —1 Lakana 1.7

Remo a Kricito mom kato maca atek ateka? Pi Cuny Acil ame perakino atwal, omio en omiye kene baŋ Obaja kun roccoro mom i kome, me elony cunywa ame lille pi tiyo tic oto, me obed a yiwa ler, ote woro Obaja akwo. —Jo Eburania 9.14

Pi mannono, acalo rik doj okwanowa ni kitewa atir pi iyee, otye wunu doj i kuc i nyim Obaja, pi Rwotwa Yecu Kricito.

—Jo Roma 5.1

Pien i Kricito, bedo ame olirre onyo a mom olirre pe konyo gin-noro; iyee keken en ame konyo, kun ticcere ya i mar.

—Jo Galatia 5.6

Pien ŋattoro luŋ ame Obaja onywalo loo lobo. Gin ame oloo kede lobo en iyewa.

—1 Lakana 5.4

Pien pi kica mere omio en olarowa, pi iyee. Rik mom otimere

pi ticwu; mannono mot Obaja gire. Mom otimere pi ticwu moro, me ŋattoro gire kur wakere iye.

—Jo Epeco 2.8, 9

“Ye Rwot Yecu Kricito, ibino larre....” —Tic Okwena 16.31b

Gin te penye ni, “Myero otim ŋo me oti tic Obaja?” Yecu ogamo ni, “Man en tic Obaja: ye wunu dano ame en ooro.”

—Lakana 6.28, 29

Ocoo ka magi me wek iye wunu ni Yecu en Kricito, Wot Obaja, dok daŋ me wek iye wunu, ibed wunu i kwo pi nyiŋe.

—Lakana 20.31

Myero opwoo wunu Obaja Papa a Rwotwa Yecu Kricito, Papo ame akica. Obaja ame kweo cu ny jo luŋ. —2 Jo Korinti 1.3

Ija kara ame dok obedo Obaja calo yin, ame timo kica banj jo mere odoŋ i kom rocgii? Yin giri mom ikano akemo i cunyi nakanaka, pien cunyi giri yom i mar a mom lokere. —Mika 7.18

Pien marri a mom lokere pire tek meicel, naka banj jo ame tye malo i polo, dok gen ame yin itye kede danj tuno naka malo i pol. —Jabuli 108.4

Pien kite ame polo tye kede malo ame bor abora i lobo, mar-

rere a mom lokere danj dwoŋ kit-tono i kom jo ame lwore. Ento mar a mom lokere ame Obaja tye kede i kom jo ame lwore, perakino waŋ i waŋ, karacel kede kiti atira banj lwak jo me kare ducu. —Jabuli 103.11 kede 17

Mar a Rwot a mom lokere, mom gire gik kadi acel, kica mere danj mom gik.

—Wer Koko 3.22

En te larowa oko, mom pi tic-cororo a wan otio i kite atir, cite pi kica mere gire. Olarowa kede pii me nywalle me aryo kede me do-ko jo anyen pi Cuny Acil.

—Tito 3.5

“Koŋ doŋ ibin wunu ba, me obin olar wunu kop karacel, kadi bed balwu doŋ rema rema, bino doko atar calo pee; kadi bed rema calo pala, bino doko calo yer romo.”

—Icaya 1.18

Cuny Acil kede Atera tye akobbo ni, “Biye!” Nat a winyo daŋ myero gam ni, “Biye!” Nat ame oryo ociro daŋ bin, ḥattoro a mito, bin mat pii me kwo aboŋo culloro.

—Nyut a Lakana 22.17

Biye wunu ba i pii, wun luŋ ame oryo ocirowu; ḥat ame limmere moro mom, myero bin wil, cam. Biye iwil wunu koŋo olok kede cak, aboŋo culloro kadi welloro ame oŋolo pire. —Icaya 55.1

I nino ame ecuban gik iye, en nino adit, Yecu oya malo oredu ni, “Ka oryo neko dano moro, en myero bin mat baŋa.”

—Lakana 7.37

Cite Yecu ka oneno, yie owaŋ, te kobbigi ni, “Wek wunu itino bin baŋa, kur igengi wunu; pien loc Obaja tye pi jo acalo gin.”

—Marako 10.14

A black and white illustration of Jesus Christ, wearing a long robe, sitting and holding several young children in his arms. He is smiling warmly at them. The children are also dressed in simple clothing.

“Biye wunu baŋa jo ducu ool kede ame yec onuo, an abino weyo korwu.”

—Matayo 11.28

14 PE NI JO DUCU OBEDO OTINO OBANGA

Man en a bino miyo oneno jo
mene obedo otino Obaña kede jo
mene obedo otino a Catan: ŋat a
mom timo gin a tye atir mom atin
Obaña, naka ŋat a mom maro
ominnere. -1 Lakana 3.10

Jo ame Cuny Obaña telogi, gin
itino Obaña. Rik mom igamo wunu
cuny me opii me dwokowu i
lworo; gin igamo wunu en cuny
me bedo itino me pacu, en kodi
cuny a mio wan okok ni, “Aba!
Papawa!” -Jo Roma 8.14, 15

Me ibed wunu abojo kopporo a
loowu, ame balloro daŋ mom i yi-
wu, otino Obaña ame roccoro pe
i komwu i akina lwagi jo ogom
ame oballe oko. Itye wunu ka

ryeny lobo iyi akina jo bala acer.
 -Jo Pilipi 2.15

“Doŋ ber iya wunu oko i akinagi,
pokere wunu kedgi oko, man kop,
a Rwot, kur igud wunu ginnoro
me kwer; mio an abino jolowu,
abino bedo papawu, wun daŋ ibi-
no bedo wunu awobena kede anyi-
rana; man kop a Rwot Won Twer
Ducu.” -2 Jo Korinti 6.17

Jo ducu a nwaŋ ogame, kun oye
nyiŋe, en omiogi twer me doko
otino Obaña. -Lakana 1.12

“Mom ni dano acel acel ame
lwoŋa ni, ‘Rwot, Rwot,’ en a bino
donyo i loc me polo, ento kono
dano ame tio gin a Pappa a tye i
polo mito.” -Matayo 7.21

NGO OBANGA OKOBO IKOM KONGO AKECERE 15

Tic me kwo me anywalli nen
oko kannaler; gin ene: coco, ca-
ro, tarwaŋ, woro cal jogi, tim jo-
jok, amone, daa, nyeko akemo,
laro dito, pyem, popoka, to kom,
mero, gat me yomcuny arac, ke-
de mogo acalo ginnono. Akwen-
yorowu acalo rik koŋ akwenyoro-
wu ni, jo ame timo gin acalo ma-
gu, loc Obaja mom bino doko
megi. -Jo Galatia 5.19-21

Olubu kite a myero me dyeceŋ,
aboŋo gat me yomcuny arac ke-
de mero, aboŋo tiŋo luk kede
tim me tarwaŋ, aboŋo daa kede
nyeko. Ruku Rwot Yecu Kricito

acalo rukwu me romo, dok kur
itam wunu pi kwowu me anywalli
pi cobo mittere.

–Jo Roma 13.13, 14

Jo ame dilo ibai me yenyo koŋ
akeccege, jonono bino neno can,
kede jo ame ri i ka koŋo naka
idiŋ, tuno ka doŋ omer atek.

–Icaya 5.11

Kur inen koŋo ka pwod rema,
koŋo ame pwod yenyo ayenya i
kopo, donyo i kom dano mot.
Kodi koŋo-nono kwirrere wuno
dano calo kwir a twol, wuno
dano calo kwir ororo.

–Carokop 23.31, 32

En te kobbe ni, "Mar Rwot Obajani kede cunyi luŋ, kede tiponi lung, kede tammi luŋ. Man en cik adwoŋ, daŋ me agege. Me aryo mere ame rom kede daŋ ene, ni, Mar dano wadwu acalo imarre ke- ni."

—Matayo 22.37-39

Ame en doŋ oya otuno i yo, dano moro te riŋo, te rumo coŋe i nyime kun penye ni, "Apwony aber, atim ḥo me anwoŋ kwo a perakino odoco?" Yecu te penye ni, "Kara piŋo ilwoŋa ni aber? Dano moro aber mom tye, kono ka Obajna keken. Iŋeo cik, 'Kur inek, Kur icod cot, Kur ikwal, Kur ikel kop goba i pido, Kur icer jo, Wor pappi kede totti.'" En te ga-

mo ni, "Apwony, magu ducu atye-ko mako cakere i tinona." Yecu onene, omare, te kobbe ni, "Gin-noro acel pwod orem i baŋi. Wot icat jami luŋ ame itye kede, ite miyo baŋ ocan, eka ite bedo kede lonyo ame ikano i polo; yin doŋ ibin, iluba." Lonu ka owinyo kodi kop-pu, waŋe te cido oko, te wot oko a doŋ aconne acona, pien on-wonjo limmere rik dwoŋ.

—Marako 10.17-22

Tye yo mogo ame dano tamo ni ber, kun kara tero jo i to.

—Carokop 16.25

Jo acil ame tye i lobo, gin obedo jo me awora, ame oyomoro cunya meicel.

—Jabuli 16.3

Kur imi bwolwu; Obaja mom otuko kede. Gin ame dano ocoo, en daŋ bino kayo ginnono.

—Jo Galatia 6.7

Itinona, kur imi ɿattoro bwolwu. Nat ame timo gin a tye atir, en ame kite atir, acalo Kricito daŋ kite atir. Nat ame timo bal en dano a Catan; pien Catan ya i ageyi obedo ka timo bal.

—1 Lakana 3.7, 8a

Mom injeo wunu ni jo a mom kitegi atir, loc Obaja mom bino doko meg? Kur imi bwolwu; kadi otim tim me coco, onyo owor cal jogi, onyo ocod cot, onyo jo a buto i co wadgi, onyo okwo, onyo oworo me jami, onyo ome-

ro, onyo wegi ayet, onyo oyak, loc Obaja mom bino doko meg.

—1 Jo Korinti 6.9, 10

Kur imi wunu ɿattoro bwobwolwu kede koppogo a yore mom, pien akemo Obaja bino i kom jo a mom winyo doge pi kodi timmono.

—Jo Epeco 5.6

Ento bed wunu jo ame keto gin ame okobo i tic, mom jo a winyo awinya keken kun ibwolle wunu kenwu.

—Yakobo 1.22

Pien ka ɿattoro tamo i cunye kene ni en e ginoro, kun iyi ateni mere en mom ginnoro, nwoŋo en abwolle gire kene.

—Jo Galatia 6.3

BAL KELO TOO

Pi mannono, acalo bal nwaŋ obino i lobo pi dano acel, eka to te bino pi bal, amannono daŋ to te lal i akina a jo luŋ, pien jo luŋ obalo.

—Jo Roma 5.12

Mit ka oyac nywalo bal. Bal ka doŋ oteggo, nywalo to.

—Yakobo 1.15

Tam ame wapo kwo me anywalli kelo to; tam ame wapo Cuny kelo kwo kede kuc. Tam me kwowa me anywalli i tuŋ baŋ Obaŋa en kwor, pien pe winyo cik Obaŋa, daŋ pe twero winyo.

—Jo Roma 8.6, 7

“Cite ŋat ame timo bal bino to oko. Mom obino keto can i kom awobi pi bal a pappere, dok

daŋ mom obino keto can i kom adwoŋ pi bal a wode. Dano ame kite atira, bino nwoŋo bakacic ame otike en kene, pi tim atira ame en obedo timo, dok atim gin arac daŋ obino keto can i kome en kene, pi gin arac ame en otimo.”

—Ejekeri 18.20

“Ber wan ocam kun obedo kede yomyic, pien ominni rik oto oko, aman doŋ kwo; nwaŋ orwenyo, doŋ onwoŋere.”

—Luka 15.32

Nat olido bedo i kite atira bino kwo, ento nat ame ryemo yo gin arac bino to.

—Carokop 11.19

Pien ocara me bal en to.

—Jo Roma 6.23a

Ento pi Cuny Acil Obaja rik on-yuto ni en obedo Wode i tic atek me cerrere iyi akina a jo oto, en Yecu Kricito Rwotwa.

—Jo Roma 1.4

Ka en okobo man, oredo i dwon alono ni, “Lajaro, donyo oko!” Dat a rik oto-ni, te kato oko kun ciñe kede tyene orio kede bojo, waŋe oboo i tambara. Yecu okobigi ni, “Gonye wunu me woti.”

—Lakana 11.43, 44

“Gin omio Pappa mara, pien ajalo kwo mera, wek doki agam. Dat ame mao i baŋa mom tye; ajalo gira kena. Atye kede twer me jalo kwo mera, dok atye kede twer me

gamo odoco; anwojo cik man baj Pappa.” —Lakana 10.17, 18

En obino ogudo alago, jo a tye ka dyelle-nu ocuŋ mot. En okobo ni, “Awobi, akobbi ni, ya malo!” Dano ame oto-nu te ya bedo abeda, daŋ te cako kop oko.

—Luka 7.14, 15a

“An ŋat akwo ca. Rik ato oko, ento nen, doŋ atye kwo, abino bedo kwo atwal. Dok atye daŋ kede agony me To kede me Kadec.”

—Nyut a Lakana 1.18

Akwor ame obino turo me agikki en to. —1 Jo Korinti 15.26

[Rwot okobo ni,] “Kur dok ibed Obajani moro ocele kono an keken.

“Kur iti cal ginnoro ame ipao piri keni, kadi cal ginnoro ame tye malo i polo, onyo ame tye piny i wi lobo, onyo ame tye i pii ame tye piny i te lobo; kur iryebere piny i nyimgi, kur iworgi....

“Kur ilwoŋ nyij Rwot Obajani nononono; pien Rwot bino miyo kop loo ŋat alwoŋo nyije nononono.

“Po pi nino me cabit, ikwer bed acil, kite a rik Rwot Obajani ociki kede. I tic tic atek pi nino abicel, kun itio ticci ityeko luŋ....

“Wor pappi kede totti, kite a

Rwot Obajani ociki kede....

“Kur inek.

“Kur daŋ icod cot.

“Kur daŋ ikwal ginnoro.

“Kur daŋ ikob kop goba i kom ŋattoro.

“Kur daŋ ibed paro dako a ŋattoro, kur ipar ot a ŋattoro kadi poto mere, onyo ajeca mere, onyo twonnere, onyo kana mere, onyo kadi ginnoro ducu ame tye baŋe.”

—Lodo Cik 5.7-21

Amiowu cik anyen ni, marre wunu kenwu kenwu; imarre wunu kenwu kenwu acalo an amarowu.

—Lakana 13:34

“Pien waŋe mom rwenyo i kom
gin ame dano timo, en neno kan
ame en woto iye luŋ. Mom tye
mutu moro onyo kan acol icuc,
ame otim tim areco romo pono
iye.”

—Yubu 34.21, 22

“Dano twero pono kannoro me
imuŋ ame mom ŋeye me kur enen
kome? Mom en obedo Obaŋa ame
tye i kabedo luŋ i polo kede i lo-
bo?”

—Jeremia 23.24

Atwero wot kwene me pono i ba-
ŋi? Abino riŋo kwene me riŋo i
nyimi? Kadi ayit malo i polo, yin
itye kuno! Kadi abut piny i lyel,
yin daŋ itye kuno! Colpiny daŋ
mom tye acalo colpiny baŋi, i baŋi

dyewor rom aroma dyeceŋ; pien
colpiny rom aroma i lero baŋi.

—Jabuli 139.7, 8 kede 12

Waŋ RWot neno kabedo luŋ; en
neno jo areco kede jo abeco.

—Carokop 15.3

Mom tye ginnoro ame Obaŋa
mom neno; jami luŋ a en oketo
oradde oko kannaler i waŋe, en
ŋat ame bino ŋiyo kopwa.

—Jo Eburania 4.13

“Pien mom tye ginnoro ame
okano ame mom bino nen kannal-
er, dok mom tye ginnoro ame
owumo ame mom bino ŋeye, dok
ame mom obino yabo kannaler.”

—Luka 8.17

22 CAN APERA KINO PI JO OKWERO OBANGA

“Wot a dano bino oro omalaika mere, gin bino coko i te loccere jami ducu a mio jo poto i bal, kede jo ducu ame otim tim areco, te bologi i keno me mac, kan ame bino bedo iye koko kede kayo lak.”

—Matayo 13.41, 42

Otim tim areco luŋ bino donyo piny i lyel me Ceol, naka rok luŋ me okwero Obanja. —Jabuli 9.17

Pi kop Obanja acellono daŋ, polo kede lobo me kare man doŋ oka-no pi kuro mac; otye ka gwoko ituno i nino me ŋolo kop kede tyeko jo a mom lworo Obanja.

—2 Petero 3.7

Kop ame obino ŋolo i komgi en can me to a mom tum, kun oryemogi oko i nyim Rwot kede i nyim tekó me kwogo mere.

—2 Jo Tecalonika 1.9

“Ka ciŋi onyo tyeni en a mii ipoto, toŋ oko, ibole kan abor; bedo ber baŋi ka idonyo i kwo ame ciŋi onyo tyeni tuŋ cel mom tye, kato a kono oboli kede ciŋi onyo tyeni tyoryo i mac a mom to.”

—Matayo 18.8

“Cite gin bino wot i can a mom tum, ento jo ame kitegi atira bino wot i kwo a perakino odoco.”

—Matayo 25.46

I banjwa, mar onwojo doj ocwiny oko ka obedo kede tekcuny i nino me ŋolo kop, pien acalo en tye, en kite ame wan daŋ otye kede i lobo man. –1 Lakana 4.17

Amannono Rwot ŋeo laro jo a lworo Obaja iyi alola ame oomo kede yigi, dok en ŋeo gwoko jo a kitegi mom atir kan ame oketo iye can i komgi ituno i nino me ŋolo kop.
–2 Petero 2.9

Pien wan luŋ myero onen kanler i nyim Kricito me ŋollawa kop, me dano acel acel nwoŋ gin otike ame lubo kite a yam otio kun tye i kom, ka ber ka rac.
–2 Jo Korinti 5.10

“Pien en doj otyeko moko oko nino ame en bino ŋollil lobo kop atira, a kun dano ame en oyero en a bino ŋolo.”

–Tic Okwena 17.31a

Dok kite acalo oyiko ni, dano to icel, eka i ŋe mano te bedo ŋolo kop.
–Jo Eburania 9.27

Eka ate neno jo oto, jo adojo kede en atino mege, kun ocuŋ i nyim kom loc, kun daŋ tye buke mogo ame oyabo. Oyabo daŋ bukkoro ocele, ame en buk me kwo. Jo oto oŋolligi kop kun olubo gin a nwaŋ gin otio.

–Nyut a Lakana 20.12a

Ento tic Obaña me kica pe rom aroma i bal a Adam; pien kadi bed jo apol rik oto pi bal a dano acel ca, akato wok kica Obaña, kede mot me nono ame obino pi kica a dano acel-li, en Yecu Kricito, onya oromo lwak jo apipim.

—Jo Roma 5.15

Doŋ pe cuŋ i kom mit a dano, onyo i kom lolle mere, ento i kom kica Obaña. —Jo Roma 9.16

“Obaña pyem i jo a wakere, cite mio winyo baŋ jo a amwol.”

—1 Petero 5.5b

Pien iŋeo wunu cuny aber ame Rotwa Yecu Kricito obedo kede; kadi rik en alonyo, ento pirwu

odoko acan, me i cannere wun idok wunu olonyo.

—2 Jo Korinti 8.9

Ber opwo wunu Obaña pi mottere aber a mom kobere.

—2 Jo Korinti 9.15

Ento kan a bal onya iye, en ame kica daŋ te nya iye adwoŋ akato. Amannono, kite acalo bal rik oloo loc i to, kica daŋ myero lo loc pi kwano jo ni kitegi atir, me gin onwoŋ kwo a perakino nakanaka, pi Yecu Kricito Rwotwa.

—Jo Roma 5.20b, 21

Okwena omedde miyo cadengi i kom cer a Rwot Yecu i teko adwoŋ, dok winyo Obaña rik tye i komgi luŋ. —Tic Okwena 4.33

“Akobbiwu ni, mom amannono; ento ka mom ijut wunu, wun luŋ ibino tum wunu kittono.”

—Luka 13.3

Kun kobo ni, “Ijut wunu, pien loc me polo doŋ onoko ceggi.”

—Matayo 3.2

“I kare ame jo pwod kwia piny Obaja obedo bala mom oneno, ento amanni en doŋ ciko jo luŋ me ijut.” —Tic Okwena 17.30

Petero te gamo doggi ni, “Ijut wunu, eka dano acel acel i akina-wu te batakino i nyij Yecu Kricito me wek balwu, ote miyowu mot man me Cuny Acil. Ijut wunu

doŋ, ite dwogo wunu baj Obaja, me we balwu oko aco kare me roc te bino ibaj Rwot.”

—Tic Okwena 2.38; 3.19

Ijat ame kano ballere mom twero bedo aber, ento ijat ame tuco mege oko, te weko, obino timo kica.

—Carokop 28.13

Pien waŋcuny ame Obaja mio kelo ijut ame tero jo i larre, aboŋo weko podo moro; ento waŋcuny me lobo kelo to.

—2 Jo Korinti 7.10

“Atittiwu ni, yomcuny bedo daŋ amannono i nyim omalaika Obaja i kom abalo acel ame oŋut.”

—Luka 15.10

TIMO KICA IKOM BAL

“Cite ka atim tim arac olokere te weko bal luŋ ame yam etimo eka te cako lubo cikka, kun timo gin ame cik mito ame tye atira, kodi dano-nono gire bino bedo kwo, mom bino to kadi acel.”

—Ejekeri 18.21

Atim tim arac myero wek timere-nono oko; ɻnat a cunye mom atira myero wek kit tammerere-nono oko; myero en dwog baŋ Rwot, me en time kica, myero en dwog baŋ Obajawa, pien bino gonyo ballere luŋ.

—Icaya 55.7

Yecu ka oneno iyeegi, te kop kede atwo ni, “Awobi, balli doŋ oweko oko.”

—Marako 2.5

“Pien ka wun itimo wunu jo kica i bal meg, Papawu a tye i polo daŋ bino timowu kica.”

—Matayo 6.14

“Otye ka rabbiwu kop i kom weko bal pi dano man (Yecu). Dano man Obajə otine malo, okete i kabedo me kwogo i lajete tuŋ cem me en bed Atel kede Alar, wek mi jo Israel kare me ɻnut kede weko balgi.”

—Tic Okwena 13.38b; 5.31

“Nen, acuŋ i dogolla kun atwo-mo. Ka ce ɻnattoro owinyo dwona, eka te yabo doggola, abino katto banje, eka ate cem kede kun en daŋ camo keda.”

—Nyuta Lakana 3.20

Pien winyo Obaja doj onen pi laro jo luŋ. Winyo mere-nono pwonyowa me kwero kite a jo a mom lworo Obaja, karacel i mit ducu me lobo man, dok pwonyowa me gwokere i kwowa i lobo man, me obed ame kitewa atir, kun olworo Obaja. –Tito 2.11, 12

Ket wunu cunywü i kom jami a tye malo i polo ento mom i kom jami me lobo. –Jo Kolocai 3.2

Kur imar wunu lobo, kadi gin a tye i lobo. Ka ɿattoro maro lobo, mar i kom Papo nwoŋo mom i yie. Pien gin ducu a tye i lobo, acalo mit me komwa me anywalli, kede par areco me waŋ, kede dok

awaka me jami ame otye kede, magi-nono mom oya i baŋ Papo, ento ocakere i lobo kan.

–1 Lakana 2.15, 16

Ticcoro ducu me piny acol a mom nyak, kur inotte wunu iye, ento yab wunu kodi ticcono kannaler. –Jo Epeco 5.11

Wun jo ame codo cot ame bolo dyerewu oko. Mom injeo wunu ni, mako dyere kede lobo mii idoko akwor Obaja? Nat ame mito mako dyere kede lobo te lokkere doko akwor Obaja. –Yakobo 4.4

“Koŋ ilwokere wunu, ibed wunu acil, cwa wunu timwu areco oko teŋe me kur dok bed nen i nyima.” –Icaya 1.16

“Abino miyowu cuny anyen, abi-no keto cuny anyen i yiwu. Abino kwanyo cuny ame tek calo gweñe oko i yiwu ate miyowu cuny a dano ikokome.” –Ejekeri 36.26

Doŋ onywallowu oko odoco, mom kede koti a balle, cite kede koti a mom balle, pi twer me kop Obaja, en kop a tye kede kwo, ame perakino nakanaka.

–1 Petero 1.23

Ka ce iŋeo wunu ni, en kite atir, myero iniaŋ wunu aber ni, ŋat acel acel ame tio gin a tye atir nwoŋo Obaja ame onywalo. Wan oŋeo ni mom tye ŋattoro ame Obaja onywalo, ame pwod dok bedo timo

bal, ento Wot Obaja gwoke aber, mio Arac mom gude.

–1 Lakana 2.29; 5.18

Yecu okobbe ni, “Ateteni akobbi ni, ka dano pe onywalo tyen me aryo, mom twero neno loc Obaja.”

–Lakana 3.3

En omio ka ŋattoro tye i Kricito, en bedo gin ame oketo anyen; gin acon nwoŋo doŋ orwenyo oko, gin anyen doŋ olunyo kakare.

–2 Jo Korinti 5.17

Cite wun doŋ otyeko lwokowu oko, otyeko lonyowu bedo jo acil, otyeko kwanowu ni wun jo a kite-wu atira pi nyiŋ Yecu Kricito kede pi Cuny Obajawa.

–1 Jo Korinti 6.11b

I kare okato rik ibedo wunu jo oto pi turo cikwu kede pi balwu. Wan jo a Kricito, en ocerowa karacel kede, eka te cibowa bedo karacel kede i polo.

–Jo Epeco 2.1 kede 6

En oyeo balwa i kome kene i kom yataria, me wan oto i bal, eka ote bedo kwo i kite atir. Pi pwodo en, omio icaŋ wunu.

–1 Petero 2.24

Acalo rik doŋ icer wunu karacel i Kricito, ket wunu doŋ cunywu i kom jami a tye malo, kan ame Kricito tye iye i kabedo me kwogo i lajet Obaja tuŋ cem. Ket wunu cunywu i kom jami a tye malo i polo ento mom i kom jami me

lobo. Pien rik ito wunu oko, kwo-wu aman doŋ okano oko karacel i Kricito baŋ Obaja.

–Jo Kolocai 3.1-3

Jo ame gin jo a Kricito Yecu doŋ otyeko neko kwogi me anywalli oko, karacel kede parrere kede mittere, kun oguro i kom yataria. Ka wan obedo kwo pi Cuny Acil, myero daŋ owap yore.

–Jo Galatia 5.24, 25

Wun daŋ amannono, myero itamu i komwu kenwu ni, wun jo oto i tuŋ bal, cite ibedo wunu jo a kwo i tuŋ baŋ Obaja i Kricito Yecu.

–Jo Roma 6.11

ŋat ame ocoo koti mere i poto me kwo me anywalli, gin ame en bino kayo iye en to; ento ŋat ame ocoo mere i poto me Cuny Acil, bino kayo iye kwo a perakino odoco pi Cuny Acil.

—Jo Galatia 6.8

“Kit acalo Muca nwaŋ otijo twol malo i tim, Wot a dano daŋ myero tiŋe malo amannono me dano acel acel ame ye en mom rweny ento nwoŋ kwo a perakino nakanaka.”

—Lakana 3.14, 15

Dano ame ye Wod, tye kede kwo a perakino nakanaka; dano a mom woro Wod, mom bino neno kwo, ento akemo Obaŋa tye i kome.

—Lakana 3.36

Mot ame Obaŋa mio nono en kwo a perakino nakanaka i Kricito Yecu Rwotwa.

—Jo Roma 6.23b

“Ateteni akobbiwu ni, dano ame winyo coppa, kun ye ŋat ame oora, tye kede kwo a perakino nakanaka; mom obino ŋolle kop, ento doŋ oya i to, otuno i kwo.”

—Lakana 5.24

Yik a en ikome oyiko, kede pi winyo mere....Aman doŋ onyuto oko baŋwa i bino Alarwa Kricito Yecu ame doŋ oweo to oko, te miyo kwo kede perakino atwal onen oko kannaler pi amut aber.

—2 Temoteo 1.9b, 10

Cuny Acil ikome notte kede cunywa kun tuco ni, wan itino Obaja.

—Jo Roma 8.16

Cadennono en ene ni, Obaja otyeko miyowa kwo a perakino odoco, dok kwo-nono tye i Wode. Dat ame tye kede Wod, tye kede kwo dañ; nat ame mom tye kede Wot Obaja, mom tye kede kwo. Acoo kop man bañwu, wun jo ame oye nyij Wot Obaja, me iñe wunu ni, itye wunu doj kede kwo a perakino odoco.

—1 Lakana 5.11-13

“Dano ame tye kede cikka, ame gwoko, en dano ame mara; dano ame mara, Pappa bino marre,

an dañ abino mare, abino nyutte kena bañe.” —Lakana 14.21

Kite atira bino kelo kuc, dok kite atira bino kelo dañ bedo mot kede gen ame bedo nakanaka.

—Icaya 32.17

Pien wun doj itino me pacó, omio Obaja doj ocwao Cuny a Wode i yiwu, ame kok ni, “Aba! Pappa!” —Jo Galatia 4.6

Gin a mio wan ojeo ni obedo i yie, kede en i yiwa, pien omiowa Cunnyere.

—1 Lakana 4.13

Gin a nianjowa aber ni wan ojee en ene ni, wan ogwoko cikkere.

—1 Lakana 2.3

“Ento koni doj adwogo banji. Kop man luŋ an akobo kun pwod atye i lobo, me gin bed i yomcuny aya i baŋa.” –Lakana 17.13

“Ento abino nenowu doki, ibino wunu lelo kede yomcuny, mom tye ḥattoro ame bino kwanyo yomcuny wu i baŋwu.”

–Lakana 16.22b

Pien loc Obaja mom cem kede mat, ento kite atira, kuc, kede lelo a Cuny Acil kelo. –Jo Roma 14.17

Ibino wunu twono pii kede lelo i waŋ akoŋ me larre. –Icaya 12.3

An rik ogura i kom yataria karacel i Kricito; mom dok an en akwo-ni, ento Kricito ame bedo

kwo i an. Kwo ame aman atye kede i koma-ni, abedo kwo pi ye Wot Obaja, a rik omara te miye gire kene pira. –Jo Galatia 2.20

“Kop man atittiwu wek yomcunya bed i yiwu, me ipoŋ wunu kede yomcuny.” –Lakana 15.11

Yin imia aŋeo yo me kwo; i nyimi tye twon lelo adwoŋ meicel, i ḥeti tuŋcem tye iye yomcuny ame perakino waŋ i waŋ. –Jabuli 16.11

A mom ru inene wunu, doj imare wunu. Daŋ kadi bed mom inene wunu amanni, iye wunu en, kun ilelo wunu kede yomcuny adwoŋ a mom titte, a dok daŋ me kwogo. –1 Petero 1.8

“Cite ka mom iwinyo wunu kop a Rwot, ilunyo jem wunu i kom cik a Rwot, ciŋ Rwot mom bino rwenyo i komwu kede i kom abakawu me timowu rac.”

-1 Camwiri 12.15

Wun mom iŋeo wunu ni, ka imiye wunu kenwu baŋ ŋattoro bala omiro me winyo doge, daŋ doŋ idoko wunu omiro a ŋat ame iwinyo wunu doge? Onyo idoko wunu omiro a bal, ame telowu i to, onyo idoko wunu omiro me winyo dog Obaja, ame telowu i kite atir.

-Jo Roma 6.16

Eka te miyowu weo, wun jo ame owunowu, anaka wan daŋ. Mano en bino timo i kare ame Rwot Ye-

cu bino nen iye a kun aya i polo karacel kede omalaika mere atek i dye mac a lyel. I kare-nono en bino culo kwor i kom jo ame mom ŋeo Obaja kede i kom jo a pyem amut aber i kom Rwotwa Yecu. Kop ame obino ŋolo i komgi en can me to a mom tum, kun oryemogi oko i nyim Rwot kede i nyim teko me kwogo mere.

-2 Jo Tecalonika 1.7-9

“Nen ba, an tin aketo i nyimwu gum kede cen. Ibino nwoŋo wunu gum ka ibedo wunu owinyo cik a Rwot Obajawu, ame acikowu kede tin-ni. Obino ceno wu ka ce mom iwinyo wunu cik a Rwot Obajawu.” -Lodo Cik 11.26-28a

“Pi mannono, dano acel acel ame bino tuco nyija i nyim jo, an daŋ abino tuco nyije i nyim Pappa ame tye i polo; ento dano acel acel ame bino kwera i nyim jo, an daŋ abino kwere i nyim Pappa ame tye i polo.”

—Matayo 10.32, 33

Ibino ŋeyo wunu Cuny Obaja kit man: cuny ducu ame tuco ni Yecu Kricito rik obino kun tye kede kom dano, mano Cuny Obaja.

—1 Lakana 4.2

Pien ka ituco giri i dogi ni, “Kricito en Rwot”, a kun iye giri i cunyi ni Obaja ocere oko iyi akina a jo oto, ibino larre. Pien dano ye i

cunye, en a mio ote kwane ni kite atir; en tuco i doge, en a mio te lare.

—Jo Roma 10.9, 10

Naat a tuco ni Yecu en Wot Obaja, Obaja bedo i yie, en daŋ bedo iyi Obaja.

—1 Lakana 4.15

Mom tye ŋattoro a kwero Wod ame dok tye gin i Papo. Naat ame oye Wod, nwoŋo dok tye kede Papo daŋ.

—1 Lakana 2.23

“Dano ame lewic bino make pira kede pi kop mera, Wot a dano daŋ lewic bino make i kome i kare a en bino dwogo iye kede kwogo mere, kede kwogo Obaja Papo kede me omalaika acil.”

—Luka 9.26



Gwokere wunu, kiu
piny, pien akworwu
Catan tye a rimo
piny calo ejato
ame mor,
kun yenyo
dano me amwoda. Cuŋ i pyem
wunu atek i nyime pi iyee.

–1 Petero 5.8, 9a

Icennere aturcik bino nen, eka
Rwot Yecu te neko oko kede
awura doge, tyeko oko, i kare ame
en bino dwogo te nen oko kannaler.
Bino aturcik aya i tic a Catan
kun tye kede kwone tic atek luŋ,
anyuttogo kede taŋo mogo me go-
ba. –2 Jo Tecalonika 2.8, 9

Icennere Cuny Acil otero Yecu i
tim me Catan bite. Yecu te gamo
ni, “Jer teŋe, Catan, pien nwaj
ocoo ni, ‘Wor Rwot Obajani, iti
pi en keken.’” Icennere Catan
oweke, omalaika obino okonye.

–Matayo 4.1 kede 10, 11

Me agikki mere, bed wunu atek
i Rwot kede i twero me teko me-
re. Ruk wunu jami romo ame
Obaja mio, me icuŋ wunu, igeŋ-
ere wunu iyi erupe a Catan.

–Jo Epeco 6.10, 11

Jami lweny a wan oromo kede
mom tonji me lobo man, ento jami
lweny me teko Obaja, ame turo
cel okworwa. –2 Jo Korinti 10.4

Ijat ame timo bal en dano a Catan; pien Catan ya i ageyi obedo ka timo bal. Gin omio Wot Obaja rik onen, pi turo tic a Catan.

—1 Lakana 3.8

“Yin ibino yabo wanji, me imigi oya oko i colpiny odwog i lero, dok oya oko i te twer a Catan odwog banj Obaja, me wek pi ye Yecu, Obaja wek balgi oko, onwoj dañ kabedo i akina jo ame olonyo obedo acil.” —Tic Okwena 26.18

Kara ña a bino pokowa i kom mar a Kricito? Neno can bo, ajar ñit peko, onyo awuna, ajar kec bo, ajar bedo onoro, onyo ginorro arac a twero poto i komwa, ya

ajar ñit pala? Ento magu luñ wan otye ka loyo atek pi ñat a ceñ omarowa. —Jo Roma 8.35 kede 37

Kite acalo itino dikdik onotte i kom kede remo, en dañ amanno no onywako komgi kede remogi, me wek pi to mere enyot oko ñat ame tye kede twer i kom to, mano en Catan. —Jo Eburania 2.14

Pi mano, miye wunu i te loc Obaja. Dar wunu Catan, en bino riñowu. —Yakoba 4.7, 8a

Amanni otye a ñolo kop i kom lobo man; aman aloc me lobo man obino bole oko.

—Lakana 12.31

MARA EN AMOKO BEDO ATIC A KRICITO 37

Aman doj amito nyuttiwu yo a dok ber kato. Ka adumo i leb jo kede me omalaika, kun mom atye kede mar, abedo bala olaj a kok, kakaj a kok alojo.

–1 Jo Korinti 13.1

Ento nyig ame onyak pi Cuny Acil en mar, yomcuny, kuc, diyo cuny, kica, ber, genne, mwolo, gwokere ken. –Jo Galatia 5.22, 23a

Openye tyen me aryo ni, “Cimon wot a Lakana, yin imara?” En te dok gamo ni, “Ee ta, Rwot, yin ijeo an amari.” Ocike ni, “Kwa rommina.” –Lakana 21.16

“Ka imara wunu, ibino wunu gwoko cikka.” –Lakana 14.15

Ka ce dano moro kobo ni emaro Obaja kun dag ominnere, en agoba; pien ŋat a mom maro ominnere ame en oneno, pe twero maro Obaja ame mom oneno kome.

–1 Lakana 4.20

“Mannono bino miyo jo ducu ŋeo ni wun ibedo wunu jo a luba, ka ce mer tye i akinawu.”

–Lakana 13.35

Wan oŋeo ni wan oya oko i to, otuno doj i kwo, pien omaro omegowa. ɏat a mom tye kede mar pwod odoj gire i to.

–1 Lakana 3.14

Pien maro Obaja gire en gwoko cikkere. Dok cikkere mom nuowa gire.

–1 Lakana 5.3

CER AYECU KRICITO



Ame en doj ocer i nino ame lubo cabit, okwoño nen baj M^{aria} Magdalena, a nwañ eryemo cen abiro i kome. —Marako 16.9

En a rik omio me aneka pi balwa, dok ocere me kwanwa ni kitewa atir. —Jo Roma 4.25

“Wan ocaden me gin ducu ame rik en obedo tiyo i lobo Judaya kede i Jerucalem. Rik obin oneke kun oñabe i kom yataria. Cite Obaja te cere oko i nino me adekkere, dañ te miye nen kannaler; mom baj lwak luñ, ento bajwa wan jo a rik Obaja oyerowa con

me bedo caden, wan jo ame rik ocamo dok dañ omato karacel kede, ame en doj ocer oko iyi akina a jo oto.”

—Tic Okwena 10.39-41

Ame nino aboro doj otyeko kato, jo mere a lube dok onwoño obedo i ot, Tomaci onwoño doj tye bajgi. Doggola onwoño ocegere oko, ento Yecu obino, te cuñ i akinagi, okobbigi ni, “Kuc obed bajwu.” Icennere okobbi Tomaci ni, “Ket ciñi kakan, nen ciña; rye ciñi, cwa i lanjeta; iwek bedo a mom iye, ento ame ye.” Tomaci ogamo doge ni, “Kom yin i Rwotta kede Obajana!”

—Lakana 20.26-28

“Kare bino romo, dañ doñ otuno oko, ame jo oto bino winyo dwon Wot Obanja; jo owinyo bino kwo. Kur iwur wunu kop man, pien kare bino tuno ame jo ducu a tye i lyel bino winyo dwone, gin bino donyo oko. Jo a rik otimo gin abeco gin bino donyo i cer me kwo, jo a rik otimo gin areco gin bino donyo i cer me njolo kop.”

—Lakana 5.25b kede 28, 29

Mom iñeo wunu ni, wan luñ ame doñ obatakino idonyo i Kricito nwañ obatijawa me donyo i to mere? Nwañ oyikowa karacel kede Kricito me donyo i to

mere, me obed acalo en. En rik ocer i akina a jo oto pi kwogo a Pappere, me wan dañ owapu kodi kwo anyen-nu. Pien ka doñ wan onotte karacel i en i to moro a cal i to mere, amanno dañ wan obino notte kede i cer ame cal i cerrere. —Jo Roma 6.3-5

Ento ka Kricito tye i yiwu, komwu doñ oto pi bal, ento cunywu doñ bedo kwo, pien doñ okwanowu ni wun kietwu atir. Doñ ka ce Cuny ñat a rik ocero Yecu iyi akina a jo oto bedo i yiwu, en dañ bino miyo kwo anaka i komwu a doñ oto-ni, pi Cunye ame bedo i yiwu. —Jo Roma 8.10, 11

Pien doŋ olimo jo mere, olakorogi.... Ni ebino miyowa otio baŋe aboŋo lworo, kun olarowa i ciŋ okworwa, kun wan ocil, ame kitewa atir i nyime, nino megwa ducu.

—Luka 1.68b kede 74, 75

Wun ame amaro, cikere-nono rik ociko pirwa. Pi mannono, myero wan olonyere wunu kenwa i ginno-ro luŋ ame lilo komwa onyo cunywa, kun olworo wunu Obaja, wek odok wunu jo acil ikokome.

—2 Jo Korinti 7.1

Me agikki omegowa, okwaowu dok obako dogwa baŋwu i Rwot Yecu ni, imedde wunu anyim nakanaka i kite kwo ame imako wunu i baŋwa, ame yomoro cuny

Obaja, ame itye wunu ka luboni. Pien wun iŋeo wunu cik ame rik omiowu pi Rwot Yecu. Gin ame Obaja mito en ene, ni idok wunu jo acil: iwek wunu kite me coco, ŋat acel acel myero ŋe bedo kede cege kene i cuny acil kede me woro. Obaja mom olwoŋowa pi jebere i bal, ento me bedo jo acil.

—1 Jo Tecalonika 4.1-4 kede 7

Doŋ acalo ŋat olwoŋowu cil, wun daŋ bed wunu jo acil i kitewu luŋ; pien coc a yam ocoo kobo ni, “Bedo wunu jo acil, pien an daŋ acil.”

—1 Petero 1.15, 16

Amannono dañ Yecu rik oto te-
ñe i ñe idogcel, me wek elony jo
bed acil i remo mere en ikome.

—Jo Eburaña 13.12

En rik oyerowa i Kricito ame
mom ru ocibo acakki te lobo, me
wan obed jo acil i nyime aboño
balloro i komwa, pi mar mere....
Ite ruko wunu dano anyen ame
oketo i cal Obaja ikome iyi ateni
me kite atir kede acil.

—Jo Epeco 1.4; 4.24

Yo gudo adwoñ bino bedo kuno,
yo ame obino cako nyiñe ni, Yo
Acil. Jo ame obalo mom bino lubo
yonono, jo alubu yo-nono kadi
aminj mom bino rwenyo.

—Icaya 35.8

Ka ce wan otuco balwa, en gen-
ne dok kite atira, bino weko bal-
wa, dok bino lwoko timwa areco
oko ducu i komwa. —1 Lakana 1.9

Kara ka jami magu luñ bino tum
oko kite-nono, myero koj ibed
wunu jo acalladi, kun ilubo wunu
kite kwo acil kede me woro
Obaja? —2 Petero 3.11

Ket wunu teko me bedo i kuc i
jo luñ, kede bedo jo acil; aboño
en-nu, mom tye ñattoro a bino
neno Rwot. —Jo Eburaña 12.14

Rab wunu pi kwogo me nyiñe,
wore wunu kun iruko wunu ruk
acil. —Jabuli 29.2

JO AME OPONG ICUNY

“Ka wun jo areco, iñeo miyo oti-nowu mot abeco, Papawu a tye i polo mom doj bino kato meicel imiyo Cuny Acil banj jo a kuae?”

—Luka 11.13

Ka gin doj otyeko kwayo Obaja oko, kabedo ame gin ocokere iye te yenjere, Cuny Acil te poj i yigi luñ, gin te kobo kop Obaja i tek-cuny.

—Tic Okwena 4.31

“Abino keto cuny acil i yiwu, ate miyowu bedo jo ame lubo cikka, kun igwokere wunu i lubo gin ame an aciko.”

—Ejekeri 36.27

Wun mom itye wunu i kwo me anywalli, itye wunu i Cuny, ka Cuny Obaja bedo i yiwu. Cite ka da-

no moro mom tye kede Cuny a Kricito, en mom dano a Kricito.

—Jo Roma 8.9

“Ento obino miyowu teko ka Cuny Acil obino i komwu; danj ibino wunu bedo cadenna.”

—Tic Okwena 1.8a

Rik en dano aber ame Cuny Acil kede iyee opoj i yie.

—Tic Okwena 11.24a

Olub Yecu rik te lelo, Cuny Acil te poj i yigi.

—Tic Okwena 13.52

Dok myero mom imer wunu kede kojo, pien mano kelo kite me caro caro. Akaka mannono, ber iweku Cuny Acil poj i yiwu.

—Jo Epeco 5.18

Rwot ceggi acega i jo ame tye i cwercuny, en laro jo ame cunygiton.

—Jabuli 34.18

Rwot okobo ni, “Jami magi luŋ ciŋa en otio, mannono omio jami magi luŋ obedo mega. Man en kit dano ame abino ciko waŋa i kome, ŋat ame mwol, ame ŋut i cunye, dok ame kome myel i kop ame an akobo.” —Icaya 66.2

Yecu te gamo ni, “Ka itwero! Jami luŋ twerre baŋ dano ame ye Obanja.”

—Marako 9.23

Owotena, kur iwur wunu can ame rom i mac a bino i komwu pi temowu, a kun itamo wunu ni

nit ca ginnoro apat meicel opoto i komwu. Ento lel wunu i kop man ni, iribere wunu i can a Kricito, wek dok ilel wunu i yomcuny adwoŋ i kare ame kwogo mere bino nen.

—1 Petero 4.12, 13

“En bino weyo pig wanji oko ducu. To doŋ bino bedo pe, kadi kumo onyo koko, onyo rem, pien jami acon doŋ orwenyo oko atwal.”

—Nyut a Lakana 21.4

“Ge wunu kon yenyo yo me donyo i loccere kede me nwoŋo kite atira mere, jami magu ducu obino medo baŋwu.”

—Matayo 6.33

44 CIKKERE BOT JO ADONYO IYII ATEMATEMA

Pien en kene rik okanyo can dok obite, en omio en twero konyo jo ame obitogi.

–Jo Eburania 2:18

Obaja won kuc bino canyo Catan piny i te tyenwu piopio.

–Jo Roma 16.20a

Ka ibino beo i dye nam atut, an abino bedo kedi; pii me kulo mom bino mwonyi gire; kadi ibino beo i cuny mac, mom gire ibino wanj.

–Icaya 43.2a

Abita moro mom omakowu a mom binni jo luŋ; Obaja gwoko cikere mere, mom bino ye ni bitwu atek akato ame iromo wunu kanyo, cite i kare ame Catan

abitowu, Obaja bino miyowu yo me bwot, me ibed wunu i twer me kanyo. –1 Jo Korinti 10.13

Can ame poto i kom jo a kitigi atira pol atek, cite Rivot larogi iye luŋ. –Jabuli 34.19

Wan oŋeo ni, jami ducu tio karacel pi konyo jo a maro Obaja, en jo ame olwoŋjogi acalo en oyiko.

–Jo Roma 8.28

Pien alamdog adwoŋ a wan otye kede mom bedo ŋat a mom winyo rem karacel kedwa pi gorowa, pien en daŋ Catan rik obite i yore luŋ bala wan, ento en naka mom otimo balloro.

–Jo Eburania 4.15

“Nat ame oloo, mannono en mot ame en bino nwoŋo, kun an abino bedo Obajña mere, en daŋ bino bedo atinna.”

—Nyut a Lakana 21.7

“Nat ame oloo, abino miyo doko pagi i ot Obajña, daŋ mom dok bino ya iye. Abino coyo i kome nyiŋ Obajña, kede nyiŋ boma Obajña, en Jerucalem anyen ame bino piny ya i polo i baŋ Obajña kede dok nyiŋa anyen an ikoma.”

—Nyut a Lakana 3.12

“Nat ame oloo obino ruke kittono i ruk atar, dok daŋ mom abino weyo nyiŋe i buk me kwo. Abino tuco nyiŋe i nyim Pappa,

kede i nyim omalaika mere.”

—Nyut a Lakana 3.5

“Nat ame oloo, abino miyo en bedo karacel kade i kom me locca, kite acalo an rik aloo, eka ate bedo wan i Pappa i kom me loccere.” —Nyut a Lakana 3.21

“Nat a tye kede yit, myero owiny kop ame Cuny Acil okobo baŋ Iwak oye an ducu. Nat ame oloo abino miye camo yat me kwo ame tye i Poto Obajña.”

—Nyut a Lakana 2.7

“Nat ame oloo, dok daŋ ogwo-ko ticca naka i agikki, abino miye twer i kom orok.”

—Nyut a Lakana 2.26

Banj jo a doj onyomere, acikogi ni dako kur kwer cware, (cite pe an aciko, Rwot gire en ociko) dok ico daj kur kwer cege. Ka ce dako okwero, myero en doj mom dok ger ico ocele, onyo odwog banj cware. Cik gejo dako ya ka cware pwod kwo, cite ka cware oto, en doj tye i kuc me nyomere i lo a yie mito, ame tye i akina jo a Rwot keken.

–1 Jo Korinti 7.10, 11 kede 39

Dako daj cik tweo banj cware ka pwod kwo; ento ka cware ca oto, en doj gonyere oko i cik a cware. En omio ka cwar dan-nu pwod tye kwo, ce dako te kobo banj ico ocele, obino kobo ni

ocodo cot. Cite ka cware oto oko, doj ogonyere oko i cik-ku; ka en dok ogero lo ocele, mom doj ocodo cot. –Jo Roma 7.2, 3

“Dano acel acel ame ryemo cege oko, te dok nyomo dako ocele, nwojo ocodo cot. Dok dano ame nyomo dako ame cware oryemo, en daj rom i dano ame ocodo cot.”

–Luka 16.18

“Ento an akobbiwu ni, dano acel acel ame ryemo cege, kono pi kop me coco keken, nwojo omie ecodo cot; dok dano ame nyomo dako ame cware oryemo, en daj ocodo cot.”

–Matayo 5.32

“Ka awoto ayikkiwu kabedo, dok abino dwogo, aomowu baŋa, me kan ame an abedo iye, wun daŋ ibed wunu iye.” –Lakana 14.3

“Eka gin a nyuto Wot a dano te bino nen i polo. I kare-nono atekere ducu me wi lobo bino kumo, cite gin bino neno Wot a dano kun bino i wi pol me polo, kun tye kede teko kede kwogo adwoŋ.” –Matayo 24.30

“Dano ame lewic bino make pira kede pi koppa, i kare man me cot kede me bal, Wot a dano daŋ lewic bino make i kome i kare a en bino dwogo kede kwogo a Pappere....” –Marako 8.38

Aman doŋ wan otino Obanja; kite a wan obino bedo kede mom ru onen, ento wan oŋeo ni, ka en bino nen, wan obino bedo bala en, pien obino nene kite a en tye kede. Dat acel acel ame tye kede gen man ame omoko i kom Kricito, lonyere kene bedo acil, acalo Kricito daŋ cil. –1 Lakana 3.2b, 3

“Wun daŋ bed wunu a doŋ iyike-re wunu, pien Wot a dano bino tuno i caa a mom itamo wunu.”

–Luka 12.40

“Pien Wot a dano bino dwogo kede kwogo a Pappere karacel kede omalaika mere; i kare-nono bino culo dano acel acel kun lubo kit tic a yam etio.” –Matayo 16.27

“Polo kede lobo bino tum oko,
ento kop ame an apwonyo mom
bino tum.” –Luka 21:33

Pien mom tye kop adwarpinnyo-
ro a rik obino pi mit a dano, ento
Cuny Acil en omio jo okobo kop
ame oya i bañ Obaña.

–2 Petero 1.21

Coc acil luñ a yam ocoo, ocoo pi
teko a Cuny Obaña. Konyo me
pwony, me nyuto bal, me twenyo
kite a jo, me nayo jo i lubo kite
atir. –2 Temoteo 3.16

Koppi calo tara ame menyo kan
ame an awoto iye, dok tye acalo
ceñ amenyo yo ame awot iye.
–Jabuli 119.105

“Doñ ba, kwa wunu Obaña kit
man, ni, Papawa a tye i polo,
nyinji bed me awora. Myero locci
doñ bin, gin ame imito myero ti-
ye, i lobo bala i polo. Miwa tin
cam mewa me tin; timwa kica pi
bannyi i bañwa, acalo wan dañ
otimo kica bañ jo a tye kede ban-
nyiwa. Kur imi bitwa, ento ilarwa
i bañ Arac. [Pien loc kede teko
kede kwogo obedo meri atwal. A-
men.] Pien ka wun itimo wunu
jo kica i bal megi, Papawu a tye
polo dañ bino timowu kica; ento
ka wun mom itimo wunu jo kica,
Papawu mom dañ bino timowu
kica i balwu.” –Matayo 6.9-15

YOO OBANGA ME LARE

Amito Alar.

Pien jo luŋ obalo, mom otuno i kwogo Obaja. –Jo Roma 3.23

Kricito otoo pira.

Pien Kricito daŋ rik oneno can pi bal, tyen acel ame romo atwal; en ŋat a kite atir oto pi jo a kitigi ogom, me wek ekelwa baŋ Obaja. –1 Petero 3.18a

Amito ngut oko ikom bal mera.

ŋat ame kano ballere mom twero bedo aber, ento ŋat ame tuco mege oko, te weko, obino timo kica. –Carokop 28.13

ŋut wunu doŋ, ite dwogo wunu

baŋ Obaja, me wek balwu oko.

–Tic Okwena 3.19

Myero agam Yecu Kede lyee.

Jo ducu a nwaŋ ogame, kun oye nyiŋe, en omiogi twer me doko otino Obaja.–Lakana 1:12

Atye Kede gen adwong twatwal ikom, larena.

ŋat ame tye kede Wod, tye kede kwo daŋ. –1 Lakana 5.12a

“Ateteni akobbiwu ni, dano ame winyo coppa, kun ye ŋat ame oora, tye kede kwo a perakino nakanaka; mom obino ŋolle kop, ento doŋ oya i to, otuno i kwo.” –Lakana 5.24

Published in numerous languages by World Missionary Press, Inc.,
as God supplies funds in answer to prayer. **For questions or more
information by country, visit: www.wmp-contacts.org**



World Missionary Press
PO Box 120
New Paris, IN 46553-0120 USA
www.wmpress.org

Read booklets online or by App
www.wmp-readonline.org